

說
文
釋
例

說文釋例卷十九

存疑 十一十二篇

渭下云杜林說小徐本作杜林所說其在從水胃聲之下者溺字下桑欽所說句亦在從水弱聲下也謂渭出隴西首陽渭首亭南谷之說本之杜林也夏書以爲出鳥鼠山者言其與杜林說異也渭首亭南谷去鳥鼠山甚近而必別爲兩說且退禹貢在下者目驗確也段氏斷杜林說夏書句絕以爲出鳥鼠山句絕則導渭自鳥鼠同穴夏書彰

明較著矣何待杜林以爲

禹貢渾言之杜林析言之同是一說但分詳略耳

漳字下段氏引地理志上黨沾下曰大黿谷若謂與許說

大要谷異者案北地郡大黿縣顏注黿卽古要字也然則

黿乃黿之譌班與許不異

曰部要下段氏直引作大要谷而以今本作黿爲譌於此乃又

不加辨正

殊州州

沈之古文沿玉篇不收注云亦作澆蓋俗字余前纂繫傳

校錄卽疑沿當作台據大徐云口部已有也今見段氏改

爲台而謂在古文則台爲沈水沈州在小篆則台訓山陽

陷泥地又似不然竊揣台之譌爲沿也在大徐未校之前

又在大徐既校之後何也。小徐書成於南唐私書也。大徐奉敕校定風行海內。故習小徐者少。乃張次立於沿字下引大徐說。而又引下文沿字緣水而下之說。知小徐本固作沿也。卽知小徐所據之本原作沿也。大徐蓋於集書正副本中見有作台者而從之。故說之曰口部已有不曰本部下文又有之也。而摹刻者仍照舊本。故今翻宋本無一本作台也。沈之古文當作台。固無可疑。雖然卽台亦後人增也。口部台下云。山閒陷泥地。讀若沈州之沈。九州之渥地也。故以沈名焉。此非區別語。乃合併語也。讀若某卽爲

其重文者所在多有。固不得據之以定爲兩字。且九州之渥地。故以沈名。豈非沈州爲陷泥地。故以台名乎。於彼已出。卽水部不當再出矣。段氏以變字再見爲比。不知亦重出也。如茨下云。古文旅。古文以爲魯衛之魯。以此爲例。亦當於口部台。下說之曰。古文以爲沈水之沈。可矣。惟欲說沈州得名之由。故不爾也。且變字兩見。其訓猶異。若言部註誤二字。小徐艸部苗字。皆兩見。無異訓。段氏亦能別之乎。口沈之所以譌爲堯者。曹全碑作堯。蓋逐水於允上而。又易其部位。再省卽成堯矣。然是碑吮膿之吮。亦作堯。

瀝下云黑閭濶直當是黑驢濶耳蓋驢字不見於經或其
初來自夷狄以其呼之如閭也卽借閭字用之大射禮記
閭中鄭注閭獸名如驢一角或曰如驢岐蹄又引周書曰
北唐以閭疏云岐蹄以上山海經文筠案爾雅釋獸云秦
人謂之小驢則此字之作已久故鄭君疑閭爲異物然不
妨北唐國以之獻于周中國遂蕃息之如吉貝棉今爲常
物古亦異物也自成王王會時至周末亦八百年不知何
時已有專字作驢而大射禮仍用借字作閭亦無足怪汝
南爲河南之東境東與安徽毗連不應有此異物而以之

名淵也

荷下云荷澤水在山陽湖陵南

依小徐

竊揣許君原文必云

荷澤在濟陰定陶東荷水在山陽湖陵南用漢志也今本
爲後人刪節而以荷澤水三字相連文理不可通矣段氏
又刪澤字尤誤渠旣引水經注荷水原於荷澤正合許君
因原及委之例此乃說文竝非說經荷澤荷水何所偏主
而舉其一廢其一乎且許君說解皆係諸篆文非如段氏
河下云河水江下云江水也苟刪澤字則荷字亦當刪矣
蓋自汭至海百五十餘字皆水名說解皆直解之惟澶淵

以兩字爲名說解出之漳有清漳濁漳南漳之分說解出之抑此荷字正與漳字同例漳分清濁荷分川澤故宜兩對立文也且說解亦當言入洑今言在而不言所入不與小水漏流比乎荷水爲貢道所經徐州之達于荷承青州之達于濟許君旣引禹貢豈有不言所入者乎

洋字下段氏謂巨洋水今日彌河案說文有彌無彌玉篇有彌无彌云彌莫爾奴禮二切深也盛也泮亡爾切亦彌字旣別立亡爾一切必別有義此水今名彌河水上有邨曰巨彌愚民口耳相傳不應與古大異後漢書耿弇傳注

鉅昧水一名巨泮水泮尤當作泮泮昧音轉故有兩名泮之與瀾聲韻遠隔泮之與泮形體易譌恐漢志水經亦本作巨泮水從亡婢切之非非從羊也又恐說文本有泮泮二文而以疑似掄其一也玉篇之泮亦上沂下濁與說文次序同

此偶然同耳玉篇此部甚雜亂

而泮下云水出崑崙山北用山海

經文郭注穆天子傳引之而曰泮音詳顧氏不引說文亦

可疑也

泮下云西河美稷保案本部例皆直書郡國縣邑之名惟縣與郡同名始言某縣況美稷縣也不可言保豈謂美稷

縣有美稷保邪抑保字上有挽文邪

渚漠海三字相次玉篇亦然蓋水原於西委於東故始以終海百數十字皆水名不可海下復有實字中國之北以大漠爲界南與東皆以海爲界惟西以山爲界不在本部海爲衆水所歸故曰以納百川者所以通結上文也段氏以渚漠爲次欲渚漠同意相屬祇見小節未睹大體且渚漠初非連文也

涓下云小流也此爲一義下引爾雅汝爲涓則水名也別爲一義且當云涓涓小流也混下亦當云混混豐流也蓋

讀者刪之。此等字頗小。其義甚狹。形容之詞。不能獨字成義也。偶記此二字。可以隅反。如水脈行地中。瀆瀆也。水濛濛也。以在句中。刪之不成句。故得存。

濺下云。礙流也。說其本義。引詩濺濺則重言也。

桂氏曰。此引詩後人

加之。大部濺。讀若詩施。詈濺濺。本書無濺字。當作詩曰施。詈濺。濺。釋文引馬融說云。濺。大魚網目。大豁豁也。與本書濺空大也。義合。是詩作濺。濺。不作濺。濺。明矣。重言與單詞同異各半。雖不似連

語。純以聲爲用。然以聲用者多。濺濺卽是也。毛傳。施之水。中。謂施詈水中。其聲濺濺然也。試聽魚網入水之聲。卽知之矣。段氏以濺與濺濺膠葛不清。故生謬說。卽如沈下云。

水涌光也。引詩有洸有潰，亦非本義。故毛公曰：洸，洸武也；潰，潰怒也。加字而後說之。蓋毛詩重言，別有此種。如采芑曰：八鸞瑤瑤。傳曰：瑤瑤，聲也。詩又曰：有瑤蔥珩。傳曰：瑤，珩聲也。疏則曰：又有瑤瑤然之聲。與傳解有洸有潰同法。凡詩云有某者，半卽重言也。

浩下引書洪水浩浩，猶玉篇滔下引書洪水滔滔。知古人引經典皆出自胸中，不檢本也。韻會謂說文引書浩浩洪

水

濫下云：一曰濡上及下也。引詩畢沸濫泉。此二句相連成

文引詩以證濡上及下之義段氏謂引以證汜也之義非也又謂濫淋聲近淋訓以水沃是謂濡上及下爲沃也如此則成沃泉縣出矣郭注從上雷下亦非也濫泉蓋如懸城之趵突泉故詩作檻泉不第借聲亦兼借義如有闌檻偪束之故騰涌而上出也既上出則濡上而後順流而下故濡上及下爲形容之詞本自下而上又自上而下也若沃泉則先上後下與此異

渾下云混流聲也案混下云豐流也水流既豐必作大聲段氏改爲溷失其義矣

灑下云漬也。段氏引公羊齊人灑于遂傳。灑者積也。釋文積本又作漬。謂傳及說文作積爲長筠案。今傳文作漬。用其一本也。疏引曲禮四足曰漬。鄭注異於人也。漬謂相灑汙而死。案齊人死而用獸死之詞。甚之也。謂其脂膏原野。猶哀江南賦所云芟夷斬伐如草木焉者矣。乃譬況之詞。不必以漬之正解爲疑。作漬長也。

溽下。段氏補是鄭注月令亦以潤釋溽矣。竊思四月純陽十月純陰。惟其純也。故不酷暑。沍寒。六月二陰生于下。陽爲陰迫。故溽者陰之爲也。暑者陽之爲也。如匪灑衣是溽。

意也十二月放此。

涅下云黑土在水中也。段氏引澱近下說謂其相近不誤。然未知其各別也。澱之俗字作靛。刈藍漚漬之以木杷擊之而成者也。涅卽池中黑泥不由造作而成以之染布所謂泥青者也。先用澱染深藍色而後以泥遍塗之。暴乾則成矣。許不云黑泥而云黑土者字從土也。

沙不從石而從水。沙以水爲起訖。故青烏家言沙水矣。說曰水散石也。又曰水少沙見。義互相備也。北方多沙河水至則彌望皆水也。水去則彌望皆沙也。涓涓細流而已。故

孟子云十一月徒杠成十二月興梁成爲沙河言之苟爲土岸石岸則架木爲梁可以永賴何事歲修哉砵下云履石渡水也卽徒杠也段氏說誤。

泳下云潛行水中也浮下云浮行水上也蓋爲谷風泳之游之作注也毛傳釋泳而不釋游故許君補之蓋謂詩借游爲浮耳游從於浮聲故借之左莊十八年傳閭敖游涌而逸旣避已人必當潛行蓋對文別散則通也此二者概謂之湖河之廣而湖之必且或潛或浮也吾鄉俗語祇云湖矣。

瀧下云雨瀧瀧兒。小徐本兒作也。段氏從之。非也。許蓋謂瀧瀧雨兒耳。吾鄉謂細雨之兒曰瀧瀧。謂淚兒亦曰瀧瀧。其音則雙玉篇亦有此音。蓋六朝轉音也。

涸下云讀若狐貉之貉。段氏依之。而曰當作貉。君不見小徐本固云讀若狐貉之貉邪。

湫字說解。集韻廿九筱引之曰。隘下也。春秋傳晏子之宅湫隘。一曰水名在周地。安定朝那有湫泉。其次弟與今本異。然似較順序。惟水名與有湫泉皆不似。許君文法。三十小又收湫。注云。隘下也。一曰地名在楚。一曰水名在安定。

上下二句皆如說文惟中句不合然周之湫水於經傳無徵而左莊十九年傳楚子伐黃還及湫杜注南郡都縣東南有湫城恐當年有湫水因以爲地名也說文周或楚之譌○石州曰安定朝那有湫淵乃班志原文唐人避諱改淵爲泉其地卽秦人投文詛楚處也

姚姬傳先生肅曰涼當以漿人水漿醴涼爲正義訓薄爲借義而說文但以薄訓涼此許氏之疏矣鈞案此說極精但恐係改易非許君本文也蓋說文各部中字皆以類聚涼字之上卽漿字又上之則湑涵二字皆酒漿之事則涼

字訓薄殊不類也。況乎下文淡薄味也。此史記攻苦食淡之義。亦飲食之事故。卽繼以涇澆液汁潑灑等字。皆指飲食言。而以溢之訓器滿者結之。此十二字固一類也。安得涼字介乎其閒。獨訓薄邪。詳其致誤之由。說文涼薄也。詩職涼善。背借用涼。後人耳熟此訓。又以繼之之淡字卽訓薄味。故不知桑柔爲借用而改說文耳。然淡字之義主於味。不主於薄也。

段氏信萍篆而欲刪萍篆。非也。字固艸水兼從。然以艸爲主。以水爲從。凡兩從者。必入主義所在之部。乃說文通例。

也。況玉篇收萍於艸部，又出萍字，云同上。是書以說文字居前而後出見行之字者，偶然事也。其先出見行字而後及說文字者，乃通例也。猶之說文先小篆而后及籀文古文也。本部先菡于菡，先茗于蔕，先藕于藕，如先蕋于蕋者寡矣。是以月令萍始生，鄭注釋文皆作萍。今本乃作萍，爾雅萍，萍釋文誤作苹，萍而曰萍本或作萍。月令鄭注萍，萍也。釋文同。案此述爾雅之苹，萍不當作萍，是知後出之字習俗所便。故古人作萍者，今本率作萍。然而說文苹，萍也。萍，苹也。以此爲指南車，則諸書之誤可訂耳。

艸部苹，萍也。小徐萍作萍。

段氏仍作萍而謂鄭君所據爾雅作萍萍於此則曰萍萍也又依小徐祇取其便已說耳無定見也卽觀水艸兼從之字滿蕩藻萍無一在水部者可決萍之爲舁入矣

類下之類蹙嚴氏謂當作顰戚戚字是顰字非蓋類字隸或易其部位而爲瀕或省之而爲頻以頻爲頻數以瀕爲厓岸而瀕又作濱許則祇此一字也詩桑柔國步斯頻毛傳頻急也卽蹙義鄭以比比然說之則頻數義似毛爲長國步斯頻蓋謂國運日蹙耳召旻不云自頻傳頻厓也箋頻當作濱釋文引張揖字詁云頻今濱則頻是古濱字雅讓說正與說文合類是水厓故字從涉然又從頁則何也

故許說之曰頻戚不前此句特爲從頁立的豈可改爲輦乎且輦所以在此部者卽以頻有戚義且輦卽頻之分別文特但分其頻蹙義不能兼頻厓頻數義也地理志引禹貢海瀕廣瀉顏注瀕水厓也音頻又音賓輦下云涉水輦蹙嚴氏謂當作輦戚則是也各繫篆文爲說不可一律而論

玉篇無瀕而有湍奴含切無訓釋又瀨作冽

賓下云雲轉起也此形聲字耳段氏必於頁字求義而曰古文云作員大謬矣鄭風聊樂我員釋文本亦作云疏曰

云員古今字。助句辭也。正月昏姻。孔云釋文。本又作員。商頌景員維河。鄭箋員。古文作云。段氏或別有所據。吾不能知。若卽此三詩論之。鄭孔以云爲員之古文者。段氏以員爲云之古文也。鄭之古文指古本者。段之古文則指一字之古今文也。且正月之云。旋也。商頌之員均也。皆與云員本義無涉。段氏欲證雲起之從員。乃以雲之古文云取義。而其字從員不從云。則又謂古文云作員。循其說。則云員一字。卽雲霞亦爲一字矣。又何以爲雲轉起之義乎。以博濟其私。而又深諱所出。後生從之。有載胥及溺而已。再檢員字

下則已刪鄭箋之古文作
云爲古文云矣何其謬也

雲下云云象雲回轉形此屬詞不得不然雲爲恆用之字
故以冠部從云又不可無說故云然云豈足象回轉形哉
苟以云云爲次則易於說解矣所謂畫成其物隨體
詰屈者其本生於地其象著於天故下銳而上廣也此乃
足象回轉形漸而作字者講結構整齊遂倒轉之字又斷
其兩曲以爲二字古人已不顧其安如此段氏謂二是古
上字受其愚矣借爲云曰乃加兩別之全非蒼頡之意不
必曲爲之解

玉篇鮓下云又作鰈段氏駁之然集韻三十一業收鮓字
三十二洽收鰈字部分相近聲或可通犬部狃下云讀若
比目魚鰈不應本部無鰈蓋鮓卽是也玉篇鮓之下繼以
鰈鮓謂鮓同鰈羽葉聲不相通玉篇又別無鮓字知鮓爲
鮓之壞字集韻鰈或作鮓是也許君說以虛鮓述上林賦
而不述爾雅者吾鄉常食比目魚許君汝南人蓋未嘗見
之故疑爲異物不取爲義也猶之鳥部不收鵪矣兼字之
義本與
比字近又其名曰鵪鵉是以疊
字爲名或本無鳥旁後人加之

鰈下云魚也從魚系聲繫傳曰卽禹父名也孤損反玉篇

鯨字次第略與說文同注云古本切大魚也後文又出鯨

字云音鯨魚名廣韻二十一混鯨下云禹父名亦作鯨尙

書本作鯨又收鯨字引說文魚也又曰亦作鯨拾遺記夏

禹篇曰堯舜夏

或使誘

鯨治水九載無績鯨自沈於羽淵化

爲元魚海民於羽山之中脩立鯨廟四時以致祭祀常見

元魚與蛟龍跳躍而出又曰鯨之靈化其事互說神變猶

一而色狀不同元魚黃能四音相亂傳寫流文鯨

惟此字從系

或魚邊元也蕭綺錄曰以下言字體易譌又引尙書堯殛

鯨於羽山及春秋傳其神化爲黃能以入羽淵而斷之曰

是在山變爲能入水化爲魚也則又爲兩可之說無所適從國語路史字竝作鮠筠案篆蓋本作𩺰從𠂔省聲𠂔之楷作𠂔非從𠂔也𠂔與𠂔之古文𠂔相似再變則成𠂔矣苟從𠂔聲必無由得古本切也曹全碑鰓作鰓此鰓所以作鰓也鰓又鰓之譌矣而作𩺰者則猶從𠂔也玉篇之鮠則後人不知鰓爲鮠之譌因增於後耳要之王嘉所引之說必出於處士之橫議彼分鮠字爲二而謂之化爲𩺰魚初不意鮠之從𠂔省聲也吾知然者以說文𩺰位皆從𠂔省聲決之若從𠂔則不得譌爲𠂔也

鯛下云魚也。

大徐作魚名非也。本部竝同。除總名外，許書皆不言某名。

從魚同聲。一曰

鱻也。案鯛爲專名，而又爲鱻之兼名，乃鱻亦名鯛，非鯛亦名鱻也。段氏倒一曰句於從魚之上，似未然。玉篇則目爲一魚矣。

鮒，鱗不互訓，蓋未可依廣雅以爲一物也。虞翻注易曰：鮒，小鮮也。今鮒狹而長，色白如銀，夜躍出水，尺許大者僅長四五寸，聞故老云：吾邨北柳溝河中有如人長者，二曾捕其一而旋失，不知幾何年矣。鱗色黑闊而短，七八寸者時有，聞灘水有大如箕者，形幾正圓，身既重累，乃臥而游，在

下之目遂盲矣亦非常有之物也又濰水中鯉鼻四孔其味美於他水所產曾不得與松鱸四顯同著何哉

釋魚鰠鰠鰠歸注俗呼爲魚婢江東呼爲妾魚案鰠鰠歸三字說文皆無以郭注婢妾二字推之歸蓋本作婦俗謂鰠婆者是也釋文章酉切非是邢疏卽引說文鰠字解之豈有郭氏尙作妾許君反加魚者乎此字似當刪抑今諸城海中有所謂丫頭魚者總角岐出行則搖頭以其輕佻故得此名亦妾魚之比

段氏不知魛爲何狀諒嘗食魚翅矣是卽鯊之翅也其魚

醢者乃中食肉作長絲淡黃色味獨淡薄不似海中它魚之醢厚故不行遠段氏所以不見也身首皆圓首圍大於身圍至小者長二尺許尾作八字形亦與它魚小異色白與翅同吾亦未見其生時何色也

鮮下云魚也韓省聲說頗迂曲固不妨有魚名鮮

南方所謂美人

鯉乾音鄉即呼曰鮮

然史記陸賈傳之數見不鮮未必爲鱣之借字

鮮似會意字也羊爲鄒魯大邦魚爲邾莒小國是鮮字合南北所嗜而兼備之矣故凡言新鮮卽用之未必當用鱣且衆美兼備爲難故引伸之爲鮮少也說文少義作尠經

典無之而今譌作𪛗矣。○倉頡籀斯生於北方。凡古字必中國常有之物。不必遠徵貉國之異物也。許君偶有是言。不過據所聞如是耳。豈限定它處無之乎。

余於指事篇中。既依許君之說。收不字矣。抑猶有疑焉。使不字第由不然不可之語而作。則是虛字也。然古人造字。不爲文詞而起。必無所用虛字如之者出也。焉者鳥也。然者火也。而者毛也。皆古人之實字。後人借爲虛字耳。恐不字以常棣篇鄂不爲本義。鄭箋云。承華者曰鄂。吾鄉沿此語不當作拊。拊鄂足也。釋文不音如字。又芳浮反。一音方于反。

拊亦作跗。案鄭破不爲拊。說文拊。搯也。搯摩也。義不相近。蓋作跗爲是。然說文无跗字。玉篇跗有重文。跗云方俱反。

引儀禮曰綦結於跗。跗足上也。

此句連鄭注引之

儀禮所有不應

說文無之。或挽佚邪。且其字亦可作拊。𢇛部并下云持弩拊。拊亦如常棣。箋從手。然攷工記弓人作拊從木。然則拊乃拊譌也。木部拊下云闌足也。足徵從付聲之字有足義。卽足徵鄭箋不當作拊。之以跗爲五而亦可借拊也。然似常棣篇之不無須改字。蓋𠂔字之形卽鄂足之形。乃象形字。非指事字也。𠂔正是花萼形。𠂔之中直爲枝莖。左右垂

者爲細葉。凡葉之近花者皆細於它葉而下垂也。是鄂不爲其本義。後爲借義所奪。□左成元年傳。三周華不注。杜注。第云山名。釋文亦未爲不字作音。十六年傳。有韎韁之跗注。杜注。跗注。戎服若袴而屬於跗。與袴連。案杜以屬釋注。知華不注卽華跗注也。卽鄂不也。華跗注者。上華下跗。相連屬也。不字本義。於經僅兩見。是以毛公不釋不字。許君亦別作解釋。蓋皆疏忽於其義也。集韻十虞。跗有。跗不。杖三重文。說曰。艸木房爲跗。一曰華下。案本韻別收跗。櫛扶三字。皆有它義。而不字不別收。

至下云不上去而至下來也。此合不至兩部首解之。以證

其所謂象形之故不上去者謂不字象鳥向上而去至下來者謂至字象鳥向下而來所以言此者兩字之義正相反而字形則不與到子爲去同故復申言之段氏斷不上去而至下爲句豈復成語

段氏駁聖字快極玉篇西部不收而收於西部云穴鞮切鄙也蓋孫強輩所增也廣韻作聖云姓出說文又有蜀字云姓也梁四公子蜀闖之後段氏合爲一說誤也張說作梁四公子記炫博耳故四人姓名皆離奇亡是公也而廣韻謂其有後異哉諸城今有四大奇姓曰則之音古之音崩之音釗之音仇

又聞有山

囊上聲

風

湊平聲

父

音鬆

三姓其字爲字書所無又何

從溯其遙遙華胄乎

風姓存于山東乃理之常風蓋風之謠也其他則不可意揣矣

玉篇有鹵字在鹵鹹之間云昌石切苦地也書曰海賓

此字

誤然濱亦

瀕之俗字廣鹵本亦作斥又音虜案顧希馮未必杜撰而

尙書釋文祇出斥字不言別本有異何邪鹵部說固云東

方謂之庌也釋言鹵矜鹹苦也郭注鹵苦地也釋文鹵音

魯疏引左傳表淳鹵今本亦作鹵

鹵下云鹹也與鹽字說解同詞則亦必同義鹵當爲鹽之

別名且其說曰河內謂之鹵與部首下東方謂之斥西方

謂之鹵語正相儷聿部云楚謂之聿吳謂之不律燕謂之弗而部中筆下云秦謂之筆亦以儷語分之兩字下與此正同曲禮鹽曰鹹鹺與嘉玉量幣之類同上字皆美詞下字卽本名也段氏所改竝非鹹乃鹽之味而又疊韻正門聞也戶護也之例舊下云鹹也則沿鹽來耳

扃下云外閉之闕也外閉者向外閉之也門部闕下云以木橫持門戶也許說闕字與今俗語同玉篇亦然似是漢以後語關當以郊關爲正義經典不可勝數若外閉之闕則禮祇謂之扃也

闔下云城內重門也。段氏依詩正義改內爲曲。案文選謝
宣遠王撫軍詩注引亦作曲。謝希逸宋孝武宣貴妃誄注
引說文曰闔城闕。胡氏翻宋本亦作曲重門也。蓋作闕爲正。闕曲聲
轉。曲內形似屢譌成內也。兩引皆曰闔。不曰闔闔。說文闔
下亦不曰闔闔。乃下文闔字下卽曰闔闔也。毛傳分釋之。
許忽不宗毛。不知何故。玉篇闔城門臺也。則宗毛矣。爾雅
亦曰闔臺也。又曰闔謂之臺。恐說文係後人改。

闔下云開閉門也。蓋卽今蓄洩之石閘。時開時閉之門也。
段氏以闔軋聲近說之曰。謂樞轉軋軋有聲。案宣下云戶

樞聲也。是樞聲曰官。不曰闌也。吾鄉謂樞聲曰支官矣。且許說不曰開閉門聲也。知段說之不然。

閣下云所以止扉也。釋宮所以止扉謂之閣。郭注門辟旁長檼也。段氏解之曰。門開則邊旁有兩長檼。使其止而不過也。案此說是也。而後文又有說曰。閣居兩旁。每扉以一長杙上貫於過門板下。挂於地。故曰所以止扉。古謂之剡移。筠案今廳堂門不用扇者。以長木掩兩扇之交。與段氏所說相似。然一而不兩。段云居兩旁。乃參合郭注爲之。非誠見此制也。且以爲剡移尤誤。剡移亦作屨屨。廣韻五支

云屢屢戶扃于閣何涉乎段氏又曰闔與閣皆閉門乃用之則與郭注門辟全背蓋由不知閣爲何物也且不知謂之閣者卽庀閣之謂也吾鄉以物置物上謂之閣雖引伸之義而非假借之詞則且以北方事實證明之凡門扇太大者旣開之後無所附麗恐其重墜旣久不復正方不□關閉且恐大風驟闔其門以擊撞而敝敗也於是以或木或石鑿爲幞頭形一半卑處承門之下一半高處倚門之面是門庀閣其上也故謂之閣○今爾雅作謂之閤釋文一本作閣案與說文合是也釋宮又曰術門謂之閤不

應兩物一名

段氏說闢字曰俗語自由自便當作此字正不知此解從何悟入且焦仲卿妻詩舉動自專由由用也卽愚而好自用之謂也若改作自專闢豈可通乎況孔子曰爲仁由已由已卽自由也古語哉

耿下云從光聖省者

小徐省下
有聲字

承上耿光言之耿訓光故

從光省文王聖人也故從聖省然與許君語例不同且耿字豈獨爲文王作乎韻會改爲從火忘其爲杜林說也段氏乃從之乎凡字皆左形右聲此句乃全不知六書之人

所說然就本句言之則不誤左形謂從耳也右聲謂炷省爲火在右也小徐乃舉鳥部中字以駁之已謬大徐引小徐說又改之曰凡字尤鹵莽

段氏又改聊從卯矣不知卯字何辜

聒下云謹語也左襄二十六年傳聒而與之語杜注聒謹也

聒下云生而聾曰聒吾鄉謂癡曰聾又有語曰聾人三分癡則以癡爲聾或亦沿古語邪

耳部次第至爲明了自聒至聊皆耳之質自聖至聘皆耳

之用。自聾至聵，則有耳如無者也。自聵至明，則真無耳矣。聾非人耳，且非真耳也。聆之從耳，不可知。故最後然猶有聵聵在其下者。凡疊部首之字，以爲字例在部末也。

拏拏二字，段氏互易之名實紊矣。又謂玉篇有拏無拏，尤疏。玉篇手部第十八字卽拏，足牙切，手拏也。又二十三字則拏字矣。引說文持也，甚爲易見也。

擊下云暫也。段氏據廣韻改爲斬取也。蓋是玉篇亦曰山湛切，斬取也。乃又曰又才甘切，引說文暫也。當係孫強輩據誤本說文增之，勿據以駁段氏。

集韻敢刺疎三韻皆收擊，云擊也取也。引博雅

次也

瘳下云引縱曰瘳。玉篇引同。爾雅釋文作引而縱之曰瘳。段氏訾之。不知正是完本也。引而縱之也者。猶言縱而引之也。引不離縱。縱不離引。乃是瘳意。段氏曰宜近而縱之。使遠則是竟縱之矣。何瘳之云。放紙寫者是瘳象也。以爲引亦可以爲縱亦可也。玉篇有二重文。摯掣。不過說文無之耳。從制以會牽制之意。未嘗于六書不合。

段氏改舉爲擗。以玉篇爲據。案玉篇多足據。而本部及水口心三部大不足據。不知何人亂之。不特與說文異次。卽

案其脈絡亦皆四分五裂且玉篇字與說文異者多矣段氏將以其形聲皆近舉疑之乎獨不思擗字下從手旁又從手說文偶有此等字方不能埽除之忍再塗附之乎且以舉字似舉而改之而所改之字仍從舉獨仗邱言一切以與天下人抗耳何一謬至此○舉昇音義皆同蓋是一字說文案說文擗拔取也未嘗有擗字亦將以擗改說文之擗乎且玉篇本部以從手者居前從才者居後極為謬戾惟擗在擗下揚上次序與說文合耳可據此以定爲舉之正字乎

舉下云對舉也段氏申之曰謂以兩手舉之故其字從手與左手與右手也夫以兩與字區別之則左右手之外別

有手是三手也。豈支提國人乎。且舉字除去以手。賸因是
何等字乎。吾將分之爲五手。博君子一粲焉。凡舉重物必
曲身。身曲則手向下。故以目象之。臂在上。指在下也。物既
當句。則手平矣。故以以象之。肘在後。爪在前也。若欲舉之
過頂。則兩手不便。故以一手擎之。是以目以皆兩手而手
祇一手也。除此三字。留与字爲聲。不於實事求是之方略
相比附乎。然以此開小兒心竅。則可矣。究是繳繞破碎。許
說云。從手與聲。乃爲平。正通達也。許云對舉也。似是兩人
然扛下亦云橫關對舉。
項羽本紀。力能扛鼎。
知其不必謂兩人也。

搯字下段氏曰取物之上謂取物之顛也卽引方言撝搯選也以實之案選者束擇之意上字當作美字解

扞下云從上挹也讀若莘吾鄉以爲恆言音義皆不易

撰字下嚴氏謂說文無批字楚詞當作批卽土部垝字其說楚詞自是若但論批字固卽搯之俗字也文選琴賦引說文批反手擊也又引則作搯

揮下云奮也曲禮飲玉爵者弗揮釋文何云振去餘酒曰揮左僖二十三年傳奉匭沃盥旣而揮之杜注揮湔也疏云以湔手揮之使水湔汚其衣案此二事爲揮字正義許

說曰奮則何注振字可以解之杜云湔則在既揮之後矣
許書有指撝指磨而無指揮段氏以奮字本義爲說失之
且謂暈揮義略同尤謬

擘似卽研之俗文段氏引易極深研幾蜀才作擘卽可徵
也然小徐收之玉篇亦收之則有舉莫廢亦是恆情而必
改摩下之研也爲擘也以成其說則殊不必玉篇擘下云
擘摩也而摩字卽繼其下曰研也不作擘者殆亦謂研擘
一字也段氏云毛詩爾雅如琢如磨周禮刮磨字多從手
俗從石作磨不可通抑已過矣詩釋文云磨本亦作摩爾

雅釋文雖無此語。尙可以毛詩類推。若周禮釋文既不言有作磨者。卽今俗本亦皆從手。何至煩其辨正乎。且謂擘磨之功。精於研磨。此則入股家伎倆矣。況如琢如磨。傳曰。玉曰琢。石曰磨。與釋器同。三章傳曰。圭璧亦琢磨。故疏引白圭之玷。尙可磨也。以證玉亦稱磨。又引論語注。切瑳琢磨。釋文作摩云。本又作磨。以成寶器。然則磨之所施。無論爲玉爲石。總是所以成器。非器既成之後。撫摩之也。如段氏以兩手切摩爲義。能切摩玉石。使成器乎。必不然矣。夫磨摩之所。以通用者。此形聲字不能該備之故也。以手持石磨之。故

或從手或從石矣猶凍練一字凍之以水所練者帛也淬
淬一字所淬者刀之火而淬之則以水也不觀其會通而
故爲低卽不亦拘墟乎

拈下引詩拈据而据字在九十八字之前如云字有專義
兼義連語不必盡在一處則据下云戰揭也與毛傳拈据
撒揭也正同四字皆雙聲也以戰釋拈以揭釋据又各用
其音近字也据之一字不能當戰揭兩字之訓然則許君
本次必先出拈字而說之曰拈据手口共有所作也此句
非單說拈字也卽以据字繼之而說之曰拈据戰揭也卽

承拈下引詩來而引毛傳釋之也再以搨字繼之而說之曰執持也乃可使相爲證明砉然以解今本部意緒不甚分明必由後人亂之玉篇則以從手者居前從才者居後猶其心部以從小者居前從心者居後如此不通豈顧氏原本乎所恃以校說文次第者獨賴玉篇而亦復若此無知者好改古書可痛恨也

搨下云折也段氏似有疑蓋未聞此語吾鄉謂兩手執艸木拗而折之曰搨恆言也與扠義無涉然扠字吾亦於經見之初未聞此言

扞下云伎也。小徐本伎也。段氏謂當作技是也。卽枝格之謂也。說文丰部則作枝格。女部嬖下又作枝格。格篆下枝字。鮑氏本毛氏初印本皆譌作伎。與小徐本扞伎也同譌。再以抗下云扞也證之。足徵段說是也。又謂當用檣柱之檣則非也。上文十七字皆言擊。其受擊之人必將枝格之。此扞抗二字所以承其後也。如曰檣柱則是大廈將傾非一木所支之義。於本文無當也。

格下云擊也。後漢書陳寵傳急於笏格酷烈之痛。注引說文格擊也。案說文格下無擊義。知所引卽此格下之說也。

作漢書者自借格注漢書者自知其爲格今不得改傳作格亦不得於說文格下增擊也之說程子以與賢輩說話如扶醉人一般扶了一邊倒了一邊今之以它書校說文者正中此病故聊一言之

晏字從女日不成意小徐本從女晏省聲則更亂道矣引詩又無此語大約此字固許君所收既有宴匱二字苟無晏則無從得聲也其說解則恐後人增之故玉篇晏烏諫切竝無訓釋以不常見之字而說文幸有說解顧氏乃不引之乎

集韻三十諫晏下引說文又曰通作晏三十二霰晏日出清明也則與晏天清也義近然如此則字

當在日部而從女不可解

媾下云耦也蓋卽相人耦之意周禮官正鄭注侑猶勸也段氏以助釋耦似得其理而失其情

媾下云鈞適也謂男女併也大徐本無謂字謬也此句乃是小注鈞適者均敵之借字也恐人不知故加謂男女併以釋之或卽庾儼然之注語乎

嫪下云量也案俗語揣度輕重謂之戰歟廣韻有之集韻作战捶類篇作战揅而廣韻战下云战歟稱量其揅下亦云稱量揅嫪或卽一字

嬭下云闕嬭亦如此闕嬭似是名目或卽驚胎也闕謂闕
允嬭如左傳之僕臣臺。

婏下云婏嬭也段氏疑婏爲複舉字案婏嬭雙聲當是連
語嬭下云得志嬭嬭則與玉篇廣韻所謂喜者同也然吾
鄉有嬭嬭之語無婏嬭之語。

婢下云婦人汚見也。大徐及玉篇無見字。然下文言見婢
變則有之。易賁段氏謂月事及免身及傷孕皆是案。傷孕
見玉篇廣韻。免身未詳所本。或段氏類推之。以此三事皆
有血汚耳。然許君自謂月事於見字知之。見者非常事而

有定期如水之忽伏忽見者然且傷孕未有不臥病者豈待禁之而後不侍祠乎段氏以忌產房說不得侍祠殊支離。

挺下云女出病也蓋謂女子下部病也俗名下癰

音翻亦謂

之陰挺茹挺之爲言挺也挺然而出也姪佚者生此多食白薯亦生此段氏欲增容字謂女出而病容挺挺然病豈待出而後見乎廣韻之長好兒別爲一義不得牽連玉篇亦引說文女出病也猶之婢女病也玉篇齒約切兼有婢約好兒一義廣韻則祇有婢約美兒一義也凡書之漸近

今者卽漸與古義遠矣。

小徐本嫻從囙省聲。大徐作齒聲。又曰齒古囙字。當從囙。省何不檢其弟之本邪。抑後人據大徐之說改小徐本邪。然所謂齒古囙字。於說文無徵。囙祇有古文出耳。以子作孚。百作皆。推之。則齒爲古囙字。甚合。竊恐出卽齒譌也。出字不足象形。吾甚疑之。蓋齒出字篆作出。後人疑篆書之齒與楷書之齒相似也。反改而爲出。乃與篆書之出相似。猶集韻以齒之或齒與齒出字互易其形。夢英書部首齒作齒。依楷書作篆文。皆欲其相避而不詳察說文字體本

有分別而以意爲之遂致展轉迷謬矣。吾以近人有書必爲𠂔者因意揣之如此彼欲反古不思弋篆作𠂔楷書從弋者皆變惟必字猶爲近古也。然𠂔部𧈧字卽從𠂔而說曰象髮在𠂔上不云從𠂔也。

革下云象古文革之形弟下云從古字之象。字當作文酉下云

象古文之形其古文下皆詳說之古文可解而後小篆之從其象者可解也獨民下云從古文之象而古文𠂔才下無說此說佚也案此字小徐通論作𠂔察其形上下與𠂔相似中央與𠂔相似小篆𠂔又與臣象屈服之

形者相似。母弟臣皆象人形。則民蓋亦象人形也。

ノ部ノ字段氏忽送難而解之難既粗疏解亦不甚了了。則請設難曰乂字從ノノ相交而ノ字不列乂字前者何曰是有久部可例推也。彖從久干相承而干字固在部末也。曰其當在部末奈何。曰部首之反文定在部末。此說文通例也。止部之末則少也。正部之末則乏也。彡部之末則彡也。邑部之末則邑也。尸部之末則尸也。步𠂔皆從止少而不列止部中行從彡彡而不列彡部中。邠從邑邑而不列邑部中。邠從尸尸而不列尸部中。以其各自爲部首也。

設不爲部首則步𠂔入止部而必列少之前行入彳部而必列𠂔之前𠂔入邑部而必列邑之前𠂔入𠂔部而必列𠂔之前何也反文亦爲它字所從非從它字者也其在末也猶之在部首矣是以𠂔反𠂔𠂔反𠂔𠂔反人比反从𠂔反身司反后𠂔反𠂔而各自爲部首者以其有所統也設無可統則亦在前部末也惟夫部末有反文而部中字有兼從其反正兩文者祇𠂔部中𠂔而末𠂔𠂔部中𠂔而末𠂔爲它部所無也段氏之說尙不足觀其會通也

𠂔氏之從氏也從其義也乃𠂔之義曰本末氏之義亦曰

本而氏之義則曰隴氏其義不相比附竊疑吾鄉諺語所

謂氏葉者蓋氏之古義也小雅維周之氏毛傳氏本也

禮周

四圭有邸兩圭有邸象邸皆借邸爲之然以禮用邸之意揣詩用氏之意亦謂周政總匯于尹氏耳非謂周王以臣爲本也鄭君雖易爲桎鐐之桎義究不異然似失毛公意氏爲根本之通名不著一物

惟夫有氏葉之物其初生之根必名畢菽及桃李瓜壺凡核仁之兩瓣者受土氣則翻身翻身而后定畢定畢者根入地之名也其形肥白近似乎糜與它物之根其細如線者不同故畢糜字通用定畢則負土而出見乎地上者兩瓣平分是名氏葉易所謂甲坼者也氏葉之中再生萌芽

久之而氏葉乃落故篆作𡵓象其下直而上大氏則下有
所著謂之本也者謂地上之榦也𡵓則下貫地中謂之木
本者謂地中之根也本同而所指不同也卽以姓氏推之
亦可知氏本謂木詩曰本支百世曰昔在中葉傳曰本根
枝葉爾雅左傳又以甥爲出皆以木況人則氏取諸木不
爲誣也且婦人稱姓辨其族也男子稱氏分其支也關氏
之氏音支安定郡烏氏縣氏亦音支氏葉下近乎本上則
爲枝之所由分其於姓氏不亦切乎理初曰此元音眇旨
也卽林曰杜撰○畢下云大於末謂至末而大也段氏改

本大於末。非物情也。氏之說解。先至也。而后本也。已失其序。大徐竝本也。刪之。益謬。良由部中字無從本義者。卽從至義者。尙是勉強牽合。故誤去之也。韻會八齊。引說文本也。至也。次第最合。當依之。許君之意。氏爲山脅欲落。氏則有一承之。是不落也。故以氏部繼之。而說之曰。至然。乎字卽在氏部。因說曰。木本矣。其義不類。何以從之。

戟下云。𣎵聲。秦風以戟與澤作爲韻。𣎵轉入聲。卽合矣。大徐曰。𣎵非聲。義當从𣎵省。𣎵枝也。案古呼枝𣎵之𣎵亦曰本。未嘗有𣎵名。而𣎵專爲築牆耑木之名。謂本爲𣎵。後人

言部 卷一 三
語也。且卽謂是古語而字從榦省。因榦生枝以爲有枝兵之意。亦殊回穴矣。段氏乃依之乎。

伐列人部。成列戈部。本不必如此分屬。而其說字形也。又皆曰從人持戈。此似許君誤也。兩字同體以形爲別。伐可云從人持戈。成當云從人何戈何也。牧誓云不愆于四伐。五伐六伐七伐。傳曰伐謂擊刺。是伐字以擊刺爲正義。故其字人與戈竝。乃踴躍用兵之象。借爲征伐之名。蓋在後矣。成非盛世之事故。我成未定。及成申成甫成。許爲宣平之詩。其字上戈下人。爲負荷之狀。傳所謂裹糧坐甲也。戈

非正用之物以爲備耳。故象人坐形不持戈也。二字以會意兼指事。卽於字形爲別。若如許說是無別也。

段氏以或國爲周時古今字。妙悟也。積古齋宗周鐘銘用或釋爲南國。仍三或釋爲保三國。南宮方鼎亦有南或。釋爲先相南國。皆其證。且或旣從口。國又加口。殊重複也。而謂各守其守。則相疑似。尙未是。蓋國者遞相處遞相去。如晏子所云。爽鳩氏有逢。伯陵季荊。太公居齊是也。故借以爲疑惑不定之意。無或乎王之不知也。孟子尙存此古字。域之重文作蝸。亦可爲段說證。

戡下云滅也。詩曰實始戡商。案此與三以天下讓同。乃本朝臣子之詞耳。武王滅商而太王實始之。武王有天下。泰伯以國讓。卽以天下讓矣。後人以文害辭。疑當商家鼎盛而太王闇奸天位。則不臣而亦不智。拜戎不暇而欲圖天邑商。又不度德量力矣。於是委曲求通。不敢謂翦商爲滅商。豈許君之愒乎。且實始翦商。亦非侈詞。周之爲國號也。實以岐周。前乎此者有豳矣。後乎此者有豐鎬矣。而建國立名。獨曰有周。追王之典。上及太王。聖人豈私其先人哉。許君訓戡爲滅。則直曰滅商而已。不須回護作遁詞也。秋

官翦氏注翦斷滅之言也詩曰實始翦商許鄭說同可以

決矣

曹全碑武王秉乾之機翦伐殷商

殲下說解有誤段氏斷句尤誤大徐本一曰田器句在從
从持戈句上卽如小徐在下亦不得連古文爲句也蓋從
从持戈卽不詞从相聽也可云從相聽持戈乎夾下云從
大俠二人不云從大俠从也說文重文之在同部者乃有
古文籀文之說其異部者則全書不言而當爲訥之古文
収當爲拱之古文皆一望可知而許君分訓而罔下且云
言之訥也卽以重文爲說解矣乃部首同者則必言之雖

不知許君何意要之異部重文。槩不言也。且卽言之亦當曰某之古文可矣。今云田器古文是廢詞也。疑古文二字或係衍文。或連讀若咸謂古讀咸。今讀攷邪。鍥橋謂古文下有挽文。蓋是。

武字說解與車部輔字說解同一苟且。必後人刪節。口觀說解毋論長短。其從容古雅者皆原文也。匆遽而詰屈者皆唐之試明字科者所刪改也。

我下云施身自謂也。謂施之己身而自謂也。務欲的確。句遂與曲段氏說非。

義下當云我亦聲。

第字周散氏銅盤銘有之。下半同環曲折不似弗字。蓋小篆變古文時已有以意爲之不盡如古人意者。不能盡據以推知其意也。

亅部所以次我部後者。戈以下三部皆從戈。戊從亅聲。亅部有亅。故次於此也。然則何不以亅爲部首而以亅屬之。曰。亅卽𠂔。乃實字也。亅訓鉤識則虛字也。不以虛字統實字。故以亅爲首。部首據形系聯。部中收字則以義相屬。惟此二字則形似而已。亦列文之變例也。亅部匚下云。側逃也。案此堯典明明揚側陋之注解也。史

記引尙書每以訓詁易本文五帝本紀曰堯曰悉舉貴戚
及疏遠隱匿者疏遠卽是側隱匿卽是逃若阜部陋下云
隄陝也與尙書義不甚合知許所據尙書作匿僞孔傳曰
明舉明人在側陋者解爲一事誤史記固以舉貴戚解明
明也

无字難解許君以兩說解之皆於字形得意也本欲以道
字解无字乃因道而生元字以无字之ノ上貫異於元證
其爲從元又以虛無之說黏合元无之皆爲道此謂无字
從元也此與又從丂引之爲一類又以丌天形相似无

則一足屈乃言天亦有屈以屈與无之意相黏合是又謂无字從天也此與允從大象偏曲之形爲一類蓋皆未定之論也

勾下云亡人爲勾小徐說是段氏所改理雖可通而亡人爲勾四字相連以其說說之則詞不通矣試思晉文出亡乞食野人伍員奔吳乞食漂水非亡人何以至此

詩維筐及筥傳曰方曰筐圓曰筥形之方者必正故借以爲匡正耳至於頃筐傳曰畚屬是頃筐兩字爲名段氏以半深半淺附會毛傳易盈之器之語又以不平說頃則目

爲頃仄之器是順非而不澤也。總緣其意以匡爲不正耳。考工記輪雖敝不匡。鄭以匡刺釋之矣。而又曰匡枉也者。謂記借匡爲枉也。匡枉皆從圭聲。聲通則義得借用。如援美惡不嫌同辭之例。謂借匡爲不匡。則古亦有苦爲快。徂爲存者。然察鄭意。乃借聲非借義也。記曰衆不匡懼。又借匡爲恒。段借之途廣矣。

匱簋二字下。皆曰淥米簋也。簋下云炊簋也。炊簋小淥米。簋大其形則同。今謂之簠簠。與此三字之聲無一同者。

匱匱二字下。曲部匱字下。皆曰古器也。段氏曰古器有名

匿者又曰畢尙書沅得召鼎蓋其器卽匿與鈞案論語仲
忽古今人表作仲召說文引春秋傳鄭太子召今本亦作
忽畢尙書所得召鼎乃人名非器名也

匱下云甌匱器也大徐掄匱字荀子流丸止于甌與蓋亦
謂地之凹處似甌匱也

甗下云甗甗也段氏改爲令適也於理是而事實則非也

釋宮令適

據陳風
釋文改

謂之甗則知甗也令適也皆古名也禮

運合土注瓦令

據釋
文改

甗及甗大則知令甗者漢名也許說

甗曰令甗乃以漢語說古物土部擊下云甗適也者則以

古名說漢名皆欲人知今之某物卽古之某物故交互說之也。甝壑說中之甝當據陳風禮運釋文改爲令。若甝則不可改也。

甝下云井壁也。說似不完。易曰井甝无咎。修井也。虞仲翔曰。修治也。以瓦甝壘井。稱甝。案孔子以修釋甝。虞氏復以壘釋之。知甝爲以甝作井壁之名。非井壁謂之甝也。吾鄉至今言甝井矣。恐本文尙多。後人刪之。

弓下云以近窮遠。段氏謂以窮說弓爲疊韻相訓語。最惑人。漢世或然耳。古音則弓在今蒸部。窮在今東部。未爲分。

疏疑誤後學。○又謂樞質許從鄭作甚質改從爲同乃安
鄭固許之後輩也。